

今我身是舍利子我往昔時爲長者子因彼妙吉祥菩薩授我鉢故令我發大菩提心又舍利子我從初發大菩提心乃至果滿十力無畏一切功德具無盡智皆因妙吉祥菩薩起發開導何以故我所發心猶如虛空無有邊際又舍利子所有十方無量無數同名釋

迦牟尼佛皆如我於妙吉祥所開發菩提心又舍利子過去底沙如來弗沙如來燃燈如來尸棄如來如是諸佛我於無量劫中稱讚其名是諸如來亦同我於妙吉祥菩薩所發起道心得成正覺轉妙法輪又舍利子所有諸修菩薩行者初處堯率天示降生相出現

世間初生王宮然後修諸苦行乃至坐於道場皆因妙吉祥菩薩教化示導舍利子當知妙吉祥菩薩爲諸菩薩母出生一切諸菩薩故舍利子如我所說皆是真實如是往昔因緣應如是知佛說是語時十方一切佛刹悉現種種寶蓋而來供養妙吉祥菩薩於一一

蓋中放大光明廣照娑婆世界復於蓋中出妙音聲作如是言如釋迦牟尼佛所說如是如是往昔從彼妙吉祥菩薩發菩提心
爾時釋迦牟尼佛會中先退菩提心者二百天子見佛世尊及妙吉祥菩薩現如是種種不思議事及聞佛說本起因緣各作是念一

切諸佛無上大法不可得聞何況得見諸佛如來功德如是我今宜於世尊前捨下劣心發起無上大菩提意決趣無上大菩提果作是念已即發堅固阿耨多羅三藐三菩提心不復退轉

佛說未曾有正法經卷第二

祿二

佛說未曾有正法經卷第三

祿三

西天譯經三藏朝奉大夫試鴻臚卿教大師臣法奉詔譯

爾時世尊釋迦牟尼佛復告舍利子言汝今當發阿耨多羅三藐三菩提心修諸菩薩行不應樂著聲聞之果何以故舍利子一切衆生處輪迴中不生怖畏無由解脫是故諸菩

乙 坐

薩當起大精進於輪迴中種種化度令怖生死出於三界汝若唯樂聲聞之果不能起大菩提心救度一切衆生是故一切衆生若得值遇菩薩勸令發起精進即得解脫生死亦能發阿耨多羅三藐三菩提心舍利子過去世時有佛出世號具足功德如來應供正等

正覺明行足善逝世間解無上士調御丈夫天人師佛世尊是佛會中有百俱胝聲聞之衆有八千菩薩衆其佛壽十萬歲有二聲聞最爲上首一名出現智慧第一一名迅疾神通第一是時具諸功德如來於其食時著衣持鉢與諸大衆前後圍繞入一王城其城名

曰妙音次第乞食佛入城時智慧聲聞居佛右側神通聲聞在佛左側餘聲聞衆俱從佛後諸菩薩衆而導其前復有大梵天王帝釋天主護世四王及諸天衆圍繞世尊入彼王城是時城中有三童子種種莊嚴於其道側而共戲劇是三童子遙見世尊相好端嚴威

德無量光明晃曜猶如金山儀容尊重如大龍王見已歡喜心生恭敬第一童子曰汝等見此佛世尊不於諸衆生最尊最上福聚無盡天上人間咸悉尊敬是故我等宜共供養必獲大果共相議已第一童子說伽陀曰此佛一切衆中尊 天上人間所應供

我等宜伸供養事 獲大果報而不虛
餘二童子說伽陀曰

我伸供養無香華 亦無種種妙供具
但唯有此全身命 當捨供養佛世尊
是時前一童子即脫所著殊妙真珠瓔珞價直百千兩金向二童子說伽陀曰

我今當以此瓔珞 供佛如來大智尊
願我伸其供養已 當獲無上大福聚
是時餘二童子見此童子獻供養已亦各脫身所著瓔珞向一童子說伽陀曰

我以瓔珞伸供養 一切最勝正覺尊
發此誠心供養已 誓願求於佛正法

標三

二

是時前一童子見此二人亦獻瓔珞而告之
曰汝等所作福利無量當於佛法求何等果
第二童子曰我願當來得為世尊右邊弟子
而得智慧第一第三童子曰我願當來為佛
左邊弟子而得神通第一二童子各說所願
已復問第一童子曰汝善開導為我善友汝

獻供養何所求耶答曰我所願者願當得阿
耨多羅三藐三菩提果具一切智放光照曜
使一切眾見者歡喜發菩提心如師子王大
眾圍繞如佛今日等無有異佛告舍利子彼
三童子如是各各發誓願時於虛空中有八
千天子俱發聲音善哉善哉汝等善說此語

所希勝果決定無疑是三童子各持瓔珞前
詣佛所爾時佛告舍利子具諸功德如來見
三童子持諸瓔珞來詣佛所即告海慧苾芻
言苾芻汝見此三童子不海慧白佛言世尊
唯然已見佛言苾芻第一童子心所希求與
二童子不同舉足下足自在特尊如轉輪聖

王假使百千梵天帝釋亦不能及今來佛所
開發道心願欲趣證無上菩提故是三童子
到佛所已各各頭面禮世尊足各以瓔珞奉
上世尊佛既受已其發聲聞心者所獻瓔珞
住於佛前其發菩提心者所獻瓔珞在於佛
上虛空中住變成四柱寶臺四面嚴飾其上

祿三

三

有無量諸佛結跏趺坐現諸相好種種莊嚴
殊勝無量是時具諸功德如來即入三昧普
觀諸佛如來變化之相從其面門出種種色
光所謂青黃赤白紅紫碧綠光明普照無邊
世界上至梵天映蔽日月光明皆悉不現其
光照已右繞三匝還復世尊頂門而入是時
海慧苾芻前白佛言世尊有何因緣放斯光
明惟願世尊示我令知佛告苾芻言汝見此
二童子所獻瓔珞於佛前住不苾芻白佛言
唯然已見佛言苾芻此二童子為求聲聞果
故樂欲趣證自利涅槃不能發起大菩提心
苾芻汝見前一童子所獻瓔珞在於佛上於

虛空中作諸變化此人爲欲趣證無上菩提利益一切衆生故彼二童子但樂智慧神通不能普爲利樂是故所獻供養亦無殊勝之相當知發大菩提心者所作福事亦不可量汝今宜應捨聲聞心當求阿耨多羅三藐三菩提佛告舍利子彼時發大乘心童子豈異

人乎即我身是樂智慧者即汝身是樂神通者即目軋連是汝等聲聞雖免輪迴唯樂趣於涅槃終不能廣利衆生心等諸佛同若虛空無窮無盡福聚無量功德無量超過聲聞緣覺境界舍利子汝等速發阿耨多羅三藐三菩提心是時舍利子大目軋連大迦葉阿

泥盧駄優波離富樓那須菩提等諸大聲聞異口同音作如是言善哉世尊善能開導令我等發起大菩提心世尊當知善男子善女人種諸善根欲求解脫者應發廣大心及廣大行願是人當得見百千諸佛聽聞正法世尊我等自昔已來智慧狹劣不敢希求佛無

邊智而今深自剋責當發大心譬如有人造諸不善業已若不悔過改惡從善無由免諸苦惱我等聲聞唯求自利若不捨下劣心求佛智慧終不能免無餘涅槃又如臨命終人心識昏亂於親愛眷屬不能顧戀我等若求日利涅槃於諸衆生無心化度亦復如是世

標三

四

尊當知阿耨多羅三藐三菩提猶如大地世間一切衆生依地而住依地而生一切善根依阿耨多羅三藐三菩提而得生長亦應如是亦時會中有一萬人聞佛說本事因緣及聞舍利子說是語已皆發阿耨多羅三藐三菩提心

亦時摩伽陀國王嚴整其駕來詣佛所到佛會已頭面禮足繞佛三匝坐於一面是時彼王向佛合掌一心恭敬而白佛言世尊一切衆生因何造業造業因緣依何而住佛言大王一切衆生壽者乃至補特伽羅皆依我身見住顛倒分別由分別故起惑造業以造業

故不得解脫王復問言世尊我身見者何為根本佛言無明為根本又問即此無明孰為根本佛答曰不如理作意是為根本又問不如理作意復何為本佛答曰不平等心是為根本又問何謂不平等心佛言無始時來不如實知名為不平等心又問云何名為不如

實知佛言一切衆生無如時來於無計有是為不如實知又問云何於無計有佛言分別之法不生不實計而為有又問若法不生今何所說佛言大王我身尚空法無所說又問世尊身若空者何作何住佛言大王雖有所作亦無所著又問即此無著當云何說佛言

祿三

五

無著法者如實而說是聖所說又問云何名為如實之說復何名為是聖所說佛言大王於一切法離塵離見是真實語名如實說如實說者是聖所說聖所說者謂善了諸法本無所生當如是住當如是學是時摩伽陀國王聞佛說法心生歡喜而白佛言希有世尊

善說此法實未曾有如佛世尊以無漏智普為利樂一切衆生故說真實法一切衆生罪業所纏而不能聽受修行我亦如是世尊應念我自昔來不遇善友以不善心我亦廣作諸不善業是故不能親近世尊聽聞正法我於深宮但樂嬉戲飲食宴樂而於晝夜無暫

厭捨故我不能詣佛聽聞正法世尊我今悔過自責昔所作惡深自追想於晝夜中未暇安樂如負罪人常生驚怖世尊大慈為衆生父無依怙者為作依怙無眼目者為作引導諸苦惱者為作安樂諸失道者為示正道諸貧匱者為施珍寶其心平等而無懈倦普能利樂無怨親想世尊惟願哀愍救度於我我念先所造罪實懷怖懼猶如臨墜坑人唯望救拔我恐墮於惡道之中願佛救護滅其罪垢解寤正法

尔時世尊知摩伽陀國王悔昔造惡深生發露愛樂大乘甚深之法而自思念妙吉祥善

薩智慧辯才能為敷演是時尊者舍利子承佛威力知佛心念即告摩伽陀國王言大王當知妙吉祥菩薩辯才無量智慧無量善說法要必能為王宣說正法令王開解獲大安樂宜伸求請於王宮中飯食供養利益無量復令王舍城中一切人民瞻禮讚歎見聞隨

喜種諸善根獲殊勝福是時摩伽陀國王如尊者語即前白妙吉祥菩薩言菩薩大慈哀愍我故就於宮中飯食供養惟願今時哀受我請是時妙吉祥菩薩告其王言我受王請當如王願王發勝心我已受供樂欲聽法我當宣說大王當於一切法無所著為王說法

標三

六

於一切法無疑惑想為王說法於一切法不著三世相為王說法於一切法不以聲聞緣覺涅槃為寂滅相為王說法王白妙吉祥菩薩言善哉希有惟願菩薩哀愍我故與諸大眾同受供養妙吉祥菩薩言大王且置是語如王以飲食衣服供諸大眾為哀愍故而為

供養斯亦不為利不為福夫供養者於法起希有心無作無我無衆生無壽命無補特伽羅等想不著自相不著他相是為供養當觀諸法無取無蘊處界無內無外不在三界非離三界亦無善亦無惡無樂欲無厭捨非世間非出世間非有漏非無漏非有為非無為非有煩惱非離煩惱非輪迴非寂滅若如是者是為供養王復白妙吉祥菩薩言菩薩哀愍我故願受供養妙吉祥菩薩言大王當不求利樂無所哀愍是心無所著無動無轉無讚無毀無取無捨無求利樂無所哀愍故法法平等而無所得是名受供大王若如

此者是真利樂王白妙吉祥言法本無相而無動作我獻供養亦應如是妙吉祥言空性無相亦無動作求法者無想無願無行無作亦非無作何以故大王諸法自性本無所動亦無有作衆生自性本空三業無所動作大王當觀一切行皆悉無作了一切法自性空

標三

七

故王言諸行造作云何名無妙吉祥言大王如過去法已滅未來法未至現在無所生諸行有爲亦復如是所以不著三世皆無常故法無增亦無減大王當於諸行如是了知王言聖道煩惱二法平等不妙吉祥言此二平等亦無增減大王日光出時與冥合乎王言

不也日光出時衆冥皆遣妙吉祥言日光出時而彼衆冥當歸何處王言而彼闇冥亦無所往妙吉祥言煩惱聖道亦復如是此二不相待亦不增不減非住非不住大王煩惱平等聖道亦平等此二平等故諸法皆平等大王當知煩惱性空亦無所住以煩惱故而得

聖道得聖道故無復煩惱是故此二不增不減亦無差別王言煩惱聖道從何所生妙吉祥言從心所生心若不生煩惱無復生煩惱不生聖道無復生是故當知煩惱如是觀聖道亦如是觀如是觀已則心無所得王言聖道之法歸於涅槃乎妙吉祥言不也諸法無

來去涅槃亦如是王言聖道當云何住妙吉祥言聖道如是住王言聖道得非戒定慧之所住耶妙吉祥言諸法無行無相離諸戲論若戒定慧者是即戲論有行有相不應如是住如是住者非住非不住聖道亦如是在言所有善男子善女人修善提行者得聖道乎

菩薩言修善提者無有少法可得善提道者非苦非樂非我非無我非常非無常非淨非穢無輪迴可厭亦非涅槃可證是故一切法皆不可得聖道之法亦不可得王復白妙吉祥菩薩言善哉大士甚爲希有善說法要我悉信解然成誠心敬辦供養當以飲食供諸

大衆菩薩今時赴我所請妙吉祥言食無所作施無所受施者受者無二無別王已誠心當受王供

尔時世尊告妙吉祥菩薩言今正是時受王所請當爲多人作大利益妙吉祥菩薩前白佛言我今承佛聖旨已受王請當與大衆同

標三

八

受供養

尔時摩伽陀國王知妙吉祥菩薩受其請已
心生歡喜得大安隱禮敬世尊及妙吉祥菩
薩并諸大眾然後詣尊者舍利子所問尊者
言妙吉祥菩薩將受我供同來菩薩其數幾
何舍利子言當與五百大菩薩眾同赴王會

是時摩伽陀國王先還宮中嚴飾廣殿令諸
給使者皆精潔其心備辦種種上味飲食羅
列幢幡珍妙寶蓋散諸妙華焚種種香真珠
瓔珞盡其華麗敷設五百座位復於王城令
嚴治道路散華燒香無諸塵穢清肅其道是
時城中人民聞妙吉祥菩薩赴王宮中受王

供養皆生歡喜一心渴仰各以香華伺其道

側

尔時妙吉祥菩薩於初夜分作是思惟我於
來晨赴於王請同我往者菩薩眾少今當往
諸佛刹請諸大菩薩眾共赴王宮莊嚴勝會
我若為王說法彼諸菩薩能作證明作是念

已即於本處隱身不現經須臾間東方過八
萬佛刹到一世界名曰常聲佛號吉祥聲如
來應供正等正覺現在說法為諸菩薩說大
乘法彼諸菩薩皆是不退轉地其佛刹中有
七寶樹出種種華果其樹枝葉常出微妙音
聲所謂讚佛聲讚法聲讚不退轉地菩薩之

祿三

九

聲常出如是三寶之聲是名常聲世界妙吉
祥菩薩既到彼已詣吉祥聲如來前頭面禮
足而白佛言我自娑婆世界故來至此為受
摩伽陀國王請於宮中飯食供養為菩薩眾
少故來請諸大菩薩上士來晨與我同赴王
宮受其供養令彼一切眾生成受其福惟願
世尊勅諸菩薩令受我請

尔時吉祥聲如來即告八萬大菩薩言善男
子今妙吉祥菩薩來請汝等往彼娑婆世界
赴摩伽陀國王宮中飲食供養汝今當往同
為佛事是時諸菩薩如世尊教即當奉行於
是妙吉祥菩薩禮辭吉祥聲如來與八萬大

菩薩隱身不現即還娑婆世界到本住處是時妙吉祥菩薩與諸菩薩共相坐已即告諸菩薩言我有法門名大摠持今為諸大士分別演說云何名摠持法門所謂樂欲趣證摠持法門者當住正念心不散亂離諸癡恚於一切法智慧通達行如來道得辯才門住於

無相入一切法摠持智門相續聖道而能任持三寶有所言論無有滯礙善解一切衆生語言若有論難而為分別於大衆中心無怖畏所有一切天龍夜叉軋闍婆阿修羅迦樓羅緊那羅摩睺羅伽人非人乃至帝釋梵王下至傍生異類之屬種種言音差別而能隨

彼種種言音而為說法善知衆生根性利鈍隨類得解諸根清淨離諸邪見平等安住摠持法門不著世間八種違順之法圓滿一切出世善法為諸衆生說其行業因緣果報令其得大安樂於一切處智慧通達能令衆生去除重擔心無憂惱知法自性隨根演說應

病之法令起精進獲諸善利菩薩心生歡喜不望果報所有善根但為迴向一切智故求一切智普為利樂一切衆生於六度行悉能成就施行圓滿迴向一切智戒行圓滿迴向衆生令其安樂忍行圓滿得佛相好莊嚴具足精進圓滿成熟一切善根禪定圓滿得相

標二

十

應法自在無礙智慧圓滿通達一切法於法自在離諸過失諸善男子如是摠持法門得此法門已無所忘失摠能任持一切智故復次善男子摠持法門復能受持一切法所謂了一切法空無相無願無動無作離其分別不生不滅非斷非常非有非無不來不去非成非壞非聚非散非有性非無性非有想非無想離其戲論非我人衆生壽者補特伽羅無取無捨非見非聞非覺非知是名受持一切法復次善男子又摠持法門謂持一切法自性空故如夢所見如水泡如陽焰如虛空等又

能持一切法苦空無常無我寂滅等自性無
 作無樂無苦無得無證又摠持法門譬如大
 地能持世間無大無小悉能持之亦不懈倦
 菩薩摩訶薩得摠持法門亦復如是為衆生
 故發善提心攝諸善根不令散失雖經阿僧
 祇劫無暫懈退又如大地能育養萬物得摠

持菩薩能化利一切衆生故又如大地能生
 草木滋養衆生其得總持菩薩能生一切善
 法利益衆生又如大地不增不減任持萬物
 無高無下其得總持菩薩心亦如是不增不
 減任持衆生無怨親想又如大地受其甘雨
 終無厭足其得總持菩薩愛樂聽受佛菩薩

十末

法曾無厭足又如大地能持一切種子依時
 生長終無休息其得總持菩薩能持一切善
 法種子依時生長亦無休息又如世間勇猛
 之士威力強盛能伏他軍其得總持菩薩具
 大精進神通威德能伏魔軍又善男子當知
 一切法自性無忘無所記念是常無常是苦

是樂是淨不淨是我無我是有情非有情是
 壽命非壽命是補特伽羅非補特伽羅等總
 持法門亦復如是亦無記念諸法離二相故
 亦無所忘又善男子總持法門如虛空任持
 大地無所持想總持一切法無所持相又如
 日光照曜一切相總持能觀照一切法又如

衆生能持一切煩惱種終無散失總持法門
 能持一切法亦不散失又如諸佛菩薩記心
 輪能轉一切衆生心意而無能轉相總持法
 門持一切法亦無能持相諸善男子如前所
 說種種譬喻無有窮盡諸法無窮盡總持法
 門亦無窮盡無量無邊如虛空故是時妙吉
 祥菩薩說此法時會中有五百菩薩摩訶薩
 得大總持

佛說未曾有正法經卷第三

祿三